

te Ture Whenua Maori, 1909, a me whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

J. F. ANDREWS,
Mo te Karaka o te Kaunihera Whiriwhiri.

Whakamana i te Poari Whenua Maori ki te whakaae kia tukua nga rakau o runga i tetahi Whenua Maori.

ISLINGTON, Kawana.
OTA KAUNIHERA.

I te Whare o te Kawanatanga, i Poneke, i tenei te tekau ma iwa o nga ra o Mei, 1911.

Tu ana i reira :

KO TE HONORE JAMES CARROLL HEI TUMUAKI MO TE KAUNIHERA.

NOTEMEA kua meinga hei ture e tekiona rua o te Ture Whakariterite Kereeme Whenua Maori, 1910, ahakoa te whakakorenga e te Ture Whenua Maori, 1909, i te tekiona rua tekau ma ono o te Ture Whakariterite Kereeme Whenua Maori Whakatikatika Ture, 1907, me nga tekiona rua tekau ma ono me rua tekau ma waru o te Ture Whakatikatika i nga Ture Whenua Maori, 1908, ko ia kupu tohutohu kua ata mahia e tetahi Poari Whenua Maori i raro i aua tekiona i mua atu o taua whakakorenga, ka ahei kia whakahaerea kia whakatutukitia, a mo runga mo taua ahua ka ahei kia whakahaerea nga mana katoa i whakawhiwhia e aua tekiona ki te Minita Maori, ki te Poari Whenua Maori, ki te Kawana i roto tona Kaunihera, ki tetahi atu tangata ranei, a ka rite tonu te whaimana o taua whakahaerenga ano aua tekiona kei te mana tonu; a mo runga mo nga tikanga o tenei tekiona ko ia kupu i roto i aua tekiona e tohu ana i tetahi Poari ka kiiia e

tohu ana i te Poari Whenua Maori e whaimana ana i ia wa i roto i te takiwa kei reira te whenua e pangia ana e taua kupu tohutohu :

A notemea kua tonoa i raro i tekiona rua tekau ma ono o te Ture Whakariterite Kereeme Whenua Maori Whakatikatika Ture, 1907, ki te Poari Whenua Maori o te takiwa kia whakaaetia e ia tetahi pukapuka tuku i tuhia ie te 20 o nga ra o Mei, 1905, ko tona tikanga he tuku i nga rakau o runga i nga wahanga e rua o Puketapu Poraka, e 640 nga eka o tetahi, e 640 nga eka o tetahi, e whakaturia ana i roto i taua pukapuka tuku ko A me B Poraka.

A notemea, i te mutunga o tetahi uiuinga i whakahaerea i mua atu o taua whakakorenga o taua tekiona rua tekau ma ono, kua tae atu te ripoata a te Paori Whenua Maori mo te takiwa ki te Minita Maori me whakaae taua tuku, me te whakaatu atu hoki i ana whakatikatika mo taua tuku.

A notemea kua whakaaetia e te Minita Maori taua ripoata, a kua tukua atu e ia ki te Kawana i roto i tona Kaunihera, engari i apitiria atu e ia etahi atu kupu whakatikatika i taua tuku.

A notemea he mea pai kia whakamanaia te Poari Whenua Maori o te takiwa kia whakaaetia e ia taua pukapuka tuku i runga ano i nga whakatikatikanga kua kiiia ake nei, a me tuhi taua whakaaetanga ki runga ki taua pukapuka tuku.

Na reira, ko His Excellency te Kawana o te Tominiona o Niu Tireni i runga i te tohutohu me te whakaae a te Kaunihera Whiriwhiri o taua Tominiona, tenei ka whakamana i te Poari Whenua Maori o te takiwa kia whakaae ki taua tuku, ara me tuhi taua whakaae ki runga ki taua pukapuka tuku, engari me whakatikatika taua pukapuka tuku i runga i nga tikanga kua kiiia ake nei.

A tenei ka panuitia ko tenei Ota Kaunihera he mea whakaputa i raro i nga tikanga mo taua mahi kei roto i te Ture Whenua Maori, 1909, a me whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

J. F. ANDREWS,
Mo te Karaka o te Kaunihera Whiriwhiri.